

明憲宗實錄

卷二四五至二九三
成化十九年十月至
二十三年八月

明憲宗純皇帝實錄卷之二百四十五

成化十九年冬十月庚申朔。太廟。遣內官祭司井之神。

○太監覃昌侍奉。聖旨授中書科冠帶儒士梁鏗為太常寺

博士。陝西竹林閣巡檢司巡檢董紀為上海縣主簿。給賜居

盾。閱夜哨軍士一百六十二人衣鞋。○辛酉。總督漕運兼巡撫

鳳陽等處右副都御史徐英奏乞復舊例。專差刑部主事一員

隨之。問刑三年。而代奏上命所司知之。○癸亥。錦衣衛帶俸都

指揮使王時除名。時前威寧伯。越次子也。甫冠。以父勢驟要越

敗。時不自安。上疏自陳。詔除名。隨居安陸州。○乙丑。南京兵部

奏正統間馬快船歲以五十艘。北上聽差半年。一更駕船軍糧

於南京官倉。盡給與之。爾後快船餘丁僅支兩月行糧六斗。其

往返計踰十月。率多匱乏。棄船以逃。乞仍舊例。應支月一石者。

內除家小米四斗按月支用其聽守六月每月六斗共三石六斗并餘丁止支兩月凡六斗者今加再倍為六月共一石八斗盡數給之庶船運無誤事下戶部以為軍夫守戍于北而糧月給於南誠為非便餘丁糧給誠少宜如所請一一預給或逃則如數追之報可○刑部會官審囚畢因奏重囚葛忬等十八人皆犯殺人等罪問結情真罪當無可矜疑者往往撿拾妄訴有監候五六年或四三年調問有三四司或五六司者牽連證佐不得休息宜即處決庶使奸惡之徒有所懲戒而死者之冤亦得伸雪也奏上命斬之不復辯問○丙寅戶部議處大同備邊事宜一行兵以芻糧為先今大同軍儲缺乏宜如管糧郎中南釗等所奏暫令山西北直隸各府問過罪囚除真犯死罪及官吏受財枉法滿罰者外其雜犯死罪該納米八十石三流五十

石徒三年三十五石二年半三十石二年二十五石一年半二十石一年一十五石筭拔罪每一十納一石者俱米豆中半照依時價納銀送赴邊倉應用一釐等欲移宣府糧料共十萬石於大同暫給客兵緣彼處亦自不給宜止令宣府所遣官軍自採秋青草一百萬束備用不作年例之數及令大同亦照此例施行一山西所給大同糧草先年改撥宣府榆林兩邊接濟釐等今欲改回應用緣兩邊係與大同東西連界俱難釋兵宜暫將今年山東河南及順天并直隸保定等八府起運京場草一百八十萬束疊山東河南并真定大名三府起運京倉豆共二十六萬石各令量添價直改運大同上納仍行禮工二部候明年遇派料料差量減分數以抵今次添價其京場草另行區畫視之一釐等所計大同在城并大同左等一十三衛官吏旗軍

歲糧操站馬驢及自京營調來者糧豆計歲用一百八萬八千六百八十餘石客兵歲用草七百四十八萬八千七百餘束今以山西派給稅糧并行都司屯糧馬草及秋青草數計之而所領官銀一十萬兩時價止買糧豆四萬餘石草一百萬束較其所出尚欠糧豆數十萬石草數百萬束今以在京者改撥助之草尚不能及半宜仍支太倉銀十萬兩運送大同管糧郎中張倫與劉買糧或准折俸給候明年運送各邊奉例銀俱各量減以抵今運大同之數一兩淮運司見有成化十七年十八年存積鹽三十萬三千餘引宜以二十萬引召商於通州倉領米運赴大同交納每運一石與鹽二引量地添減不出二引之數限一月以裏完即與支給不許勢要中官致誤軍餉一前此奏准於大同中鹽兩淮兩浙俱剩常股存積鹽年久未有中者此或

價例太重所致宜令劉等再與巡撫等官量為減輕定與則例
上納不許公罰商人財物致令畏難沮壞益法議入命依擬行
之○丁卯命金吾右衛帶俸都指揮使盧欽為都督僉事欽初
以都督同知守大同泉路虜入寇坐畏縮降都指揮使至是自
為鎮守等官所誣兵部謂其情輕律重詔欽既情輕可進都督
僉事○慶成永和二王府儀賓張奉黃慶黃經綸與輔國將軍
鍾鈺鍾鉅以私怨相毆計奏下鎮守巡撫等官會鞠獄上命奉
慶經綸依所擬贖罪還職鍾鈺停祿半年鍾鉅令慶成王拘禁
府中讀書習禮無令出外為非違則鎮守等官具奏處治○成
辰荊府都昌王見潭薨王惠靖王第二子也母馬氏天順庚辰
生成化庚子冊封為昌王至是薨年二十有四計開輟朝一日
賜祭葬如制謚曰懷順○己巳給奮武等營官軍操備馬草四

月每匹月折支銀二錢前此馬無給草例以英國公張懋定西
侯蔣琬奏請給之○壬申陞南京太僕寺少卿于冕為應天府
府尹○召保國公朱永還京永既奏虜酋遠遁且言大同東西
延袤千里平漫居民星散無險可守宜及此間暇修治邊牆及
增築野口宣寧四方澗石佛寺六堡虜至驅人畜入其中既可
以自固亦可以伏兵又言大同士卒強弱混雜行伍不精乞選
精銳別為一軍優免雜役又言副總兵周璽所部兵少宜於大
同芻糧匱乏客兵難留久戍宜令永等計事勢緩急芻糧多寡
遣遊擊將軍馬俊叅將白金分地備冬餘宜召還但永及所統
官軍未敢輕議取旨裁決詔馬俊白金所統者令太監蔡新都
御史郭鏗郎制永召還京○癸酉 皇太后聖節 上率皇太
子上壽命婦朝賀賜百官宴于午門○陞四川右布政使黃紱

為湖廣左布政使兵部郎中劉大夏為福建右叅政戶部郎中
袁江為兩淮都轉運鹽使司使丁丑誠孝昭皇后忌辰
奉先殿行祭禮遣駙馬都尉周景祭獻陵○復除工科給事中
劉允中于禮科○省廣西右叅將廣東都指揮同知歐磐分
守柳慶寇至失利應坐充軍律至是鎮守等官奏磐所守潯梧
等處為廣西重鎮峽山狹窄反側不常比者首惡胡公返聚眾
殺掠磐懸重賞致敢勇士夜入賊巢擒斬公返至今威震其地
其他調度可稱道者非止一二今理前罪論法固宜原情可憫
乞從輕處治以激厲邊將使知朝廷以功贖罪之意上曰古
人謂使功不如使過賞罰操縱自有權度所以鼓舞眾志而使
人樂於效命也歐磐既功可贖罪宜從守臣之言姑宥之令復
舊任悉心救賊以收後功○戊寅撒馬兒罕貢使怕六灣等以

進獅子乞如永樂間賞例事下禮部覆奏速擅阿黑麻萬里遣使來貢猛獸誠有可嘉宜如正統四年賞例有旨加賞綵段五表裏既而使臣堅執必欲如永樂賞例禮部奏以為歲久難從宜於見賞例外加賜以酬其勞有旨正副使再加二表裏其餘人加一表裏○命右副都御史程宗巡撫雲南時雲南巡撫都御史吳誠卒宗以撫諭益密在彼因命代之○已卯朝鮮國王李娑遣臣韓備等奉表貢馬及方物來朝賀 萬壽聖節○下欽天監監正田莘等于獄先是莘等以五官正等官缺員請以司曆劉玉等補之而并擬代之者吏部移文本監言秋官正吳昊奔喪保章正倪謙公差俱非缺員司辰李賢卒已有補之者莘等遂檢舉請罪吏部覆奏得旨莘等任意妄為全不畏法貪書官吏俱命錦永衛逮鞠法司擬罪如律○庚辰太監蕭敬

傳奉 聖旨陞通政司右通政李孜省爲左通政鴻臚寺寺丞
劉鍾工部營繕司員外郎管器皿廠事 夜月犯軒轅火星犯
氐宿金星犯房宿○致仕南京工部右侍郎李春卒 仙字遇時
山東丘縣人由舉人擢南京刑科給事中調禮科進都給事中
陞光祿寺少卿雲南右布政使召還爲禮部右侍郎仍掌光祿
寺事吏從二品俸轉左侍郎尋調南京秩滿加正二品俸乞致
仕至是卒年七十五訃聞賜祭葬如例春姿貌修長性資敦厚
居官雖無大過人者然不聞其有失行云○辛巳禮部右侍郎
謝一夔請追贈其前母許之一夔援故吏部尚書曹鼐及戶部
尚書楊鼎例以請 上特允之不爲例○壬午陞四川布政司
右叅政崔議爲本司右布政使○太監李榮傳奉 聖旨陞僧
錄司左覺義繼曉爲左善世惠昇右善世○致仕太僕寺卿楊

穉卒字景寬陝西咸寧縣人由舉人擢禮科給事中遷都給事中未幾陞通政司右叅議丁內艱起復進左通政又遷太僕寺卿秩滿加正二品俸仍舊任成化癸卯以老疾不勝任被劾命致仕至是卒于家賜葬祭如例穉謙謹和厚不務觀察在太僕寺最久上下安之○癸未命太子少保禮部尚書張文質掌通政司事以丁憂服闋也○撫治鄆陽都御史王濬奏請如

先朝故事諭吏部每五年遣大臣徧歷州縣考察官吏事下廷臣會議既從之而吏部尚書尹旻復言今朝覲會官考察在邇得旨待朝覲時嚴加考察○定竊盜三犯罪例法司以南京有三犯竊盜移咨處罪者至是會議以監守自盜常人盜倉庫錢糧等物計贓至滿貫者犯該斬絞罪雖係雜犯其情頗重若三犯前罪即累惡不悛之人難依常例處治其不滿貫犯該徒流

以下罪者雖至三犯其情頗輕特依常例處治仍乞通行天下知之為便奏上命自後竊盜罪例宜依此行之著為令○甲申禮部奏萬壽聖節例賜百官晏上令免晏賜以節錢鈔○司禮監太監懷恩戶部尚書余子俊等上所閱團營官軍之數共一十六萬八千有餘且言兵戎國之大事國初定制恩典獨厚官皆世祿有罪非奉旨不得執問士卒平居月有糧歲有布花征進有賞凱還有陞有罪不刺字恩禮無以復加以死圖報猶恐不稱近年以來上下交相徇私不思國家兵戎為重皇上洞見其弊命內外官嚴加揀選稽銳者第為二撥列奮武等十二營簡命總兵等官操督復命給事中御史不時按閱仍定占役逃竄之罪立法可為至矣近以邊方頗靜十二團營或借以興土木之後此源一開所司乘機作弊不可勝言所以上厯

聖慮今既閱實更無隱弊抗拒占愴之弊造爲三策分送兵
科兵部及十二團營按照頭撥專一在團營操遇有急切工役
止於三大營次撥官軍內量撥仍乞勅內外衙門毋得擅自擬
奏輕動團營官軍沮壞軍法 上曰京營官軍點選已定今後
內外提督等官務盡心操備振揚威武痛革宿弊撫恤下人毋
仍怠玩兵部仍具前事例以聞○乙酉錄十二年陝西克大牆
壠番簇等戰功太監劉祥戶部尚書余子俊賞銀各十兩綵段
二表裏都督同知白玘指揮僉事趙寧指揮李陞俱升一級餘
將士陞賞者一百四十七人十八年克滿松簇功陝西鎮守太
監歐賢兵部右侍郎阮勤賞銀各十兩綵段二表裏按察使葉
淇都指揮僉事劉琬升一級策應官軍叅議韓文銀五兩綵段
一表裏餘將士陞賞者八十九人○丙戌進封太子太保左都

督趙勝爲昌寧伯歲祿一千石本色四百石折色六百石勝辭
有旨卿掌理兵戎有年特茲加爵所辭不允○戊子賜襄王神
鶴第三子名曰見翼遼府應山王蒙瓖嫡長孫名曰寵冰奉國
將軍恩鈺第三子名曰寵混代府鎮國將軍仕增第二子名曰
成鈺仕聖第七子名曰成淇第八子名曰成鉗瀋府輔國將軍
銓錫長子名曰勛瀆第二子名曰勛滑楚府鎮國將軍季坂庶
長子名曰均錄輔國將軍均鈞第五子名曰榮滿第六子名曰
榮潛奉國將軍榮昌嫡長子名曰顯標第二子名曰顯棟靖江
王規裕嫡長子名曰約麒輔國將軍相繼嫡長子名曰規昫輔
國中尉規朝嫡長子名曰約衍○太監覃昌傳奉 聖旨錦衣
衛指揮食事楊輅陞指揮同知仍世襲正千戶徐璘陞指揮食
事副千戶李直陞正千戶百戶楊輝陞副千戶太常寺協律郎

成復亨陞博士廟官王景通升太常寺贊禮郎序班朱宏陞中書舍人中書科儒仕傳佐貢本道顧純趙堦姚鑑陞序班致仕知縣于寶陞太常寺少卿儒士葉璿李椿陳帽劉本洪中書科食糧黃謙陞御醫醫生鄭瑾曾震陞太醫院吏目道士周洞然宋景暄唐友信俱陞道錄司右玄義人匠陶鑑周銘曾泰升工部營繕所所丞生員王澹陞兵部司務朱宏中書科辦事

明憲宗純皇帝實錄卷之二百四十六

成化十九年十一月庚寅朔欽天監進成化二十年大統曆

上御奉天殿受之給賜文武羣頒行天下○以明日萬壽聖

節遣駙馬都尉蔡震樊凱謁告長陵獻陵景陵裕陵

游泰謁告景皇帝陵寢○辛卯萬壽聖節上詣奉先

殿皇太后宮行禮畢出御奉天殿文武群臣行慶賀禮○甲

午遣內官祭恭讓章皇后陵寢以是日忌辰也○丙申周府

項城王子璵薨王簡王之子母李氏宣德庚戌生正統辛酉冊

封為項城王至是薨年五十有四計間輟朝一日賜祭葬如制

謚曰恭和○陞永平府知府謝士元為四川布政司右叅政○

巡撫四川右副都御史孫仁奏四川成都松潘等處守備旗軍

每歲上班人給布二疋綿花一斤惟茂州不給請如例給之便